



@GCnewsroom Tweet (INET POSTWEB publishes):

Ujaraliqinikkut Ihivriungninggit Anggitqiaqlu Qurluarviitigun Upalun'ngaijautigut kutlu havaaqhaat ikajuqtaat Uqhuqtuumi #Nunavut upalun'ngaijainirmun hulaqutinut hilap aadlangguqtirniatigut @GovCanNorth

Tuhaqtitaujuqhaq

Qilamik Tuhaqtitaujuqhaq

Nutaaq maliqhautivallianiqhaq havaaqhaq ikayurnikkut Uqhuqtuumun upalun'ngairiami qayarnaktunik pidjutihimajut hilaup aadlangguqtirnianit

Agassi 10, 2022 —Uqhuqtuuq, Nunavut — Kanatap Kavamait-Nunaqqaarhimajuviliqidjutinut Ukiuqtaqtumilu Kavamaliqidjutit Kanata

Haamlanga Uqhuqtuup piliqtut ilitturiumaquplugit hun'ngiutiliqlugitlu hulaqtit hilaup aadlangguqtirniatigut quana nunallaami-hivuliqtigijaat havaaqhaq havangniaqhutik ujaraliqinikkut Ihivriungninggitnik qurluarviitigunlu upalun'ngaijaqhaatigun talvani nunagijaujumi hadja talvanilu naunaiqhimaajuni pittaagtuni hivuni pinahuarutinut.

Ujaraliqinikkut Ihivriungninggit Anggitqiaqlu Qurluarviitigun Upalun'ngaijautigut havaaqhaq, hivuliqtigilugit Nunavut Kavamatkut, atauttimunlu nunallaami pitquhikkut qaujimanikkut naunaijautinik katitiqhimajunik ajuittiaqhimaajunit piliuriamiPivallianikkut Ihuarijaujumik Nunaujamik An'ngitqiamiklu Qurluarviitigun Upalun'ngaijautimik nunallaamun. Hivuniqhaliuqhimaajut upalun'ngaijautini naunaiqhitijaami hilaup aadlangguqtirnianit akturnarniit pidjutihimajut mahaktirnimut nunap puvitquumannga, taapkuatut imarmik-piigutijuuq nunamik, hivitunialu nuna, imakkuqtiqjuarnikkutlu; piluqjuqtailinahaqhugit hadja pihimajut nappaktauhimajut tahapkunanit akturnautigijaujunit; imaalu ikajurnikkutlu upalun'ngaijautimik hilaup-mahulinggaitkutihainnik hivuni pivalliaviqhainnut.

Kangiqhimalugit akturnarniit hilaup aadlangguqtirniatigut aqhungnakpiaqtuq aulapkaiviqhanut upalun'ngaijainirmun qilamiugutaujunutlu munaqhinnikkut Nunaqqaarhimajunut, ukiuqtaqtumik Ukiuqtaqtumilu nunallaangginni, talvallaqli hilaup aadlangguqtirnia pilaqativaktuq qurluarviitigun nunamilu aadlangguqtailinahuarnirmun. Nunallaani tamaani Nunavut, mahaktirnia nunap puvitquumaninga pidjutivaktut nunami aulahimmaangnikkut, uaqtaunikkutlu igluqpanik uaqtauplutiklu apqutit. Una havaaqhaq ikayurniaqtaat Hamlanga Uqhuqtuup pidjutihimmaariamngnik igluqpagijainnik aulapkaidjutiqhaitlu, pihimaittumik nappaktirinirmun nutaanik nunami aadlanggurniatigut pidjutihimajunit mahaktirniata nunap puvitquumaninganut.

Ublumi, Nan'ngarijaujuq Daniel Vandal, Minista Ukiuqtaqtumun Kavamaliqidjutait, uqaqtuq \$200,00 maniqhaaqhat talvanga Hilaup Aadlangguqtirniatigut Upalun'ngaihamaniit Ukiuqtaqtumun Piviqhainnut havaaqhanut ilaliutiniaqhimaajuni pitquhikkut qaujimaajainnik nunallaami ilaunnikkut upalun'ngaijautimi munarittiaqtaujaami hadjamin hivunimilu nunallaami nappaktirutiqhanut.



Hilaup Aadlangguqtirniatigut Upalun'ngaihiamaniit Ukiuqtaqtumun Piviqhainnut ikajuqtut havaaqhanut ikajuutiqhainnik Nunaqqaarhimajunut ukiuqtaqtumilu nunallaanggit kavamaitlu amigaijuummiriama havauhiqhainnut hun'ngiutiqpalliariami hilaup aadlangguqtirniatigut. Ilaliutilgitlu piviqhaqarnimun ikajurnitigut ihivriuriami nunallaap hakuignirit hilaup aadlangguqtirniatigut taapkuatut aadlangguqpallianiit hikup, nunap puvitquumaninga piiqtaulingnikkut, hinaanilu ilangguqtirnia, imakkuqtiqjuarnikkutlu, ikualaangnikkutlu avatimi aulapkainikkutlu havaarijaujuqhanut. Una pinahuarut ikajurniaqtaitlu nunallaat kavamaitlu illituripkaijaami hilaup aadlanggurnia ilaudjutigijaungmat nunallaap upalun'ngaijaidjuraa atuliqtittinirmunlu ihuaqtut kiujaaami aadlatkiingnut akturnaktunik.

Uqagijaujut

“Nunaqqaarhimajut ukiuqtaqtumilu nunallaanggit mihigiliqtait hadja kuvianaaittut hulaqutit hilaup aadlangguqtirniatigut, aqhungnakpiaqtuq piqaqtuqhat ikajuutiqhanik ihariagijauniaqtainnik hivuliqtijaami hun'ngiutilirnimun aadlangguliqtuni avatimi. Una havaaqhaq aqhungnaktuq ikajurnikkut qurluarviitigun ujaraliqinikkut havagviujumi upalun'ngainirmun imaa pijaami hilaup mahulingaittuq aulapkaividjutiqhanut pivallianikkut Hamlangani Uqhuqtuup. Ikajuutauniaqtuqlu nutaanikkut naupkangnikkutlu nunallaami annakturnikkutigut havaqatigiiqtilluta hilaupitigut hivuniqhainnut”.

Nan'ngarijaujuq Daniel Vandal, P.C., M.P.
Minista Ukiuqtaqtumi Kavamaliqidjutainnut

“Una havaaqhaq pidjutihimmaqtuq Nunavutim havaaqhainnut ihariahungnaittumik aularaangginaktumik pidjutiluni hilakputtigunlu-hivuni qaujimjaami. Atauttimun pidjutigilugit ujaraliqinikkut ihumagijainnik pitquhikkutlu qaujimajainnik ikpigijaitlu, hivuniqhavunnutlu nutaqqavut ikajuutigijauniaqtaat haffuma aqhungnaktuq pinahuagut. Hilaup hun'ngiutinikkut hamaniinniaqtuq - pidjutihimmaqluni paatnaqatigiingnikkut nunallaami, nunavut kavamainni, kavamatuqainnilu hakugingniqhaqaqtittiniaqtut iniktigumajaptingnut”.

*Nan'ngarijaujuq David Joanasie
Minista Nunalingni Kavamatkunnilu Pivikhaqautikkuni*

Naunaittut kangiqhidjutit

- Hilaup Aadlangguqtirnia Upalun'ngaijaidjuraa Ukiuqtaqtumi Pivingani maniliqtuutijuqtait hilaup aadlangguqtirniatigut hun'ngiutinikkut havaaqhanut Yukon mi, Nunattiarmi, Nunavut, Nunatsiavut, NunatuKavut Eejou Istchee nunainnilu. Ublumimut, Hilaup Aadlangguqtirnia Upalun'ngaijaidjuraa Ukiuqtaqtumi Pivingani atuqtut maningnik avatquqhugit \$53 miliantaalamik 284 ni havaaqhanut tamaani Ukiuqtaqtumi.
- Maniit avatqulimaidjutiqaqtut 2016 tunihimajut \$21.4 miliantaalamik hivulliinnut talimauput ukiunggit imaalu \$3.5 miliantaalamik ukiuq tamaat talvanga hilaup



aadlangguqtirniatigut upalun'ngaijaidjutiqhainnut ukiuqtaqtumi. Maniit avatqulimaidjutiqaqtut tunihimajut aadlamik \$55.9 miliantaalamik atuqtaujuqhanik ilaivanni ukiuni ikajuutiqaahanut ihivriungnikkut hilaup aadlangguqtirniatigut akturnarniit atuliqtittinirmunlu hun'ngiutinahuarnirmun Ukiuqtaqtumi.

- Hadjali 2022-2023 maniliqiup ukiungani, pivinga piviqhaqaqtittivaktut #13 miliantaalamik maniliqtuutiqhain 52 ngujut havaaqhat tamaani Nunavut.

Ilaujut atajut

[Hilaup Aadlangguqtirniatigut Upalun'ngaijaidjutaa Ukiuqtaqtumi Pivinga](#)

- 30 -

Naunaittiagumaguvit, tuhaqtipkaijuni uqaqvigiinnariaqaqtan:

Kyle Allen
Taigualiuqtiinni Titiraqtia
Havagviata Nan'ngarijaujuq Daniel Vanda
Minista Ukiuqtaqtumi Kavamaliqidjutainnut
819-953-1153

Tuhaqtipkaijuviliqidjutiujuni
Kanatap Kavamaita-Nunaqqaarhimajunut Kavamaliqidjutait Ukiuqtaqtumilu
Kavamaliqidjutait Kanata
819-934-2302
RCAANC.media.CIRNAC@canada.ca

Suleikha Duale
Tuhaqtipkainirmut Ajuittiaqhimajuq
Nunavut Kavamanga
Nunalingni Kavamatkunillu Pivikhakautikkut
867-975-5406
sduale1@gov.nu.ca

Kangiqhimanahuaqhimmaaqpaklutin
Katimaqatigilugit uqaqatigiiktut Ukiuqtaqturmiutigun:
Twitter-kut: [GovCan_North](#)
Facebook: [GovCan – Ukiuqtaqtuq](#)